

襄陽兵事略

東陽兵事略

襄陽兵事略卷四

吳慶燾寬仲甫述

宋

紹興元年二月桑仲自棗陽引兵還襄陽十二月詔桑仲王彥釋怨體國不得自相侵擾仲雖受命遣李橫復寇金州王彥拒戰于馬郎嶺大破之均州平

宋史高宗

紀參通鑑

二年春三月命襄鄧鎮撫使桑仲收復陷沒諸郡仍

命諸鎮撫使互相應援

宋史高宗紀

三年冬十月襄鄧隨郢等州鎮撫使李橫棄襄陽奔荆南時偽齊將李成旣得鄧州而劉豫之衆有歸襄

陽者橫以爲寇至且軍食不繼隨引軍遁成入襄陽

續通鑑

四年二月羣盜田政自襄陽引兵破夷陵解潛命峽
州統制王恪往擊斬之政宜城人也夏五月江西制
置使岳飛率統制官王萬等自鄂渚趨襄陽命軍士
毋得殘民禾稼皆秋毫不敢犯旣復郢州遂引兵攻
襄陽僞齊將李成迎戰飛笑曰步兵利險阻騎兵利
平曠成左列騎河岸右列步平地雖衆十萬何能爲
舉鞭指王貴曰爾以長槍步卒擊其騎兵指牛臯曰
爾以騎兵擊其步卒合戰賊馬應槍而斃後騎皆擁
入江步卒者無數成夜遁飛進軍據守遂復唐州秋

七月飛遣統制王貴出光化張憲出橫林復鄧州及

信陽軍襄漢悉平

續通鑑參宋史
高宗紀岳飛傳

五年春閏二月詔襄漢州軍先因盜賊并偽齊占據

日刼掠殘殺等罪一切不問元刼人見在者許其家

經官識認驗實給還卽撫定後來再犯者治罪

續通鑑

六年春正月岳飛言太行山忠義社梁青百餘人欲

徑渡河自襄陽來歸時金人并兵攻青故青將精騎

突至飛軍二月命飛屯襄陽以圖中原三月名均房

民兵曰保勝又命招刺三千人賜名曰必勝軍

同上

三十一年夏四月詔新知襄陽府吳拱以西兵三千

人戍襄陽六月諭吳拱嚴備襄陽秋九月金人攻通

化軍通先未有守臣吳拱以游弈軍統制張超權軍事超才入城忽報金鐵騎數百入門超閉譙門令從者牽邦人巷戰金人死者數十乃引去時拱被朝命襄陽或有變不能自保則退守荆渚拱遣書大臣言荆南爲吳蜀門戶襄陽爲荊州藩籬欲保荊州合以襄陽爲捍守計當得兵馬一萬脩置小寨保護禦敵營闢屯田密行間探議者以拱意在棄城不守閉關自固而不以兵接戰先是宣諭使汪澈至襄陽撫諸軍聞議者欲置襄陽併力守荆南亦奏襄陽重地不可棄秋高澈乃還鄂州調軍食拱至襄陽置南山寨寨無水無薪師徒勞役時人不以爲便冬十月金人

侵樊城先是拱欲屯萬山小寨金將劉萼擁衆十萬
聲言欲取荆南朝廷令拱遣兵護武昌一帶津渡拱
將引兵回鄂汪澈聞之馳書止拱拱還襄陽嘗褊躁
不自己會劉萼取通化軍前一夕牛首鎮莊家三人
縋城入襄陽告以金人且至拱疑之不爲備翼日金
騎三千忽至樊城欲奪浮橋逕至城下自講好後樊
城不修築多缺壞副將翟貴部將王進時以兵二百
戍焉統制官張順通以百騎巡遶與敵遇擊之會繫
浮橋未成敵不得濟二將引兵出戰拱登城漸出兵
禦之敵少卻金人三卻至竹林下鐵騎突出官兵遂
敗拱以四舟渡師助之沮風不至二將俱死士卒半

掩入水中至晚金兵退是役也以大捷聞武功大夫
張平未出兵亦以奇功遷中衛大夫軍中謂之樊城
功賞十二月金人以舟師攻荑湖湖在漢水之南與
光化軍相對有鄂州副都統制李勝荆南副都統制
張進之軍在焉金人以舟渡師欲攻襄陽會風勢不
利不得著岸鄂州府軍旗頭史俊麾旗涉水直登一
舟呼曰前軍得功矣諸軍宜速進金人初不虞其登
舟大驚失措行隊不整有墜水死者俊殺其千戶一
人諸軍繼進奪舟數十劉萼屯光化李道掩擊焚其
舟萼遁去軍無行陳多失路爲鄉民所殺復通化軍
均州忠義統領胥朝等復據鄧州均州鄉兵總轄莊

隱等入河南府

續通鑑參宋史
高宗紀李道傳

熹案通化之復高紀作十一月李勝紀作李勝莊
隱紀作杜隱李道敗劉萼事本傳無年月考乾道
二年八月立中興以來十三處戰功格目並依紹
興三十二年指揮中有道光化芟湖事續通鑑錄
之孝宗紀高紀是年乃失載茲據補

隆興二年春三月詔荆襄帥臣嚴邊備勿先事妄舉冬

十二月罷荆襄諸軍招軍

宋史孝
宗紀節

乾道元年春三月命荆襄帥臣措置屯田復置權場秋

九月洪适等言均州守臣戴之邵自請討賊帝以其

人誕妄召赴行在別與差遣

宋史孝宗
紀參續鑑

五年夏四月修襄陽城

宋史孝宗紀

七年夏五月遣知閤門事王朴點閱荆襄軍馬秋八

月復修襄陽城九月命措置襄陽寨屋議徙荆南之

屯虞允文請先移軍馬餘續議之

宋史孝宗紀參續鑑

九年夏六月禁荆襄諸州籍民戶馬

宋史孝宗紀節

淳熙六年夏五月給襄陽歸正忠義人田

宋史孝宗紀

十年夏五月鄂州都統郭杲言襄陽屯田廿餘年人

力未至且無專任或謂戰士屯田恐妨閱習不知分

番耕作所以去其驕或謂耕作勞苦恐其不樂不知

分給穀米人自樂從請給耕牛農具俾屯軍開墾荒

田詔疏襄陽木渠以渠旁地爲屯田尋詔民間侵耕

者就給之續通鑑節

十一年夏四月以興元義勝軍移戍襄陽

宋史孝宗紀

燾案府志引諾爾布事載于是年二月考元史張榮傳乃淳祐四年事府志蓋以榮傳是年之甲辰誤作淳祐甲辰也其下引諾爾布淳祐戊申事列于淳熙十五年又引寶祐戊午張好古攻樊城事誤作慶元四年之戊午今悉刊正

嘉泰三年秋八月增置襄陽騎軍是冬以李弈爲荆鄂副都統兼知襄陽府聲言備金人啓釁其實韓侂冑欲用兵北伐也時金國多難亦懼朝廷乘其隙詔邊聚糧增戍且禁襄陽榷場邊釁之開蓋自此始

宋史甯宗

通鑑
紀參續

肅案金人聚糧增戍云云續通鑑不取考異以爲
宋人之託詞以情勢論彼此相疑恐均不免今兩
存之

開禧二年夏四月皇甫斌遣兵四萬規取郿以金叛人
田元爲鄉導三萬人規取唐以張貞張勝爲鄉導五
月簡荆襄田卒以備戰兵十一月金完顏匡破棗陽
軍侵光化軍及神馬陂江陵副都統魏友諒突圍趨
襄陽招撫使趙洵焚樊城完顏匡攻破襄陽外城十二
月完顏匡破宜城吳獵爲湖北京西宣撫使招神馬
陂潰卒得萬人分援襄陽孟宗政率義士據險游擊

奪其輜重遂解襄陽之圍

宋史甯宗紀吳獵傳孟宗政傳參金史章宗紀

三年春正月金完顏匡進攻襄陽取穀城二月完顏

匡以士卒疾疫引師還六月賞守襄陽功

宋史甯宗紀金史章

宗紀參續通鑑

嘉定十年夏四月金將高琪烏庫哩慶壽攻樊城江陵

副都統王守中引兵拒之慶壽分兵圍棗陽光化軍

詔京湖制置使趙方措置聽便宜行事金人侵襄陽

方親往襄陽檄統制扈再興陳祥鈴轄孟宗政等禦

之仍增戍光化均州以聯聲勢金人來自團山勢如

風雨再興等分一陳設伏以待既至再興中一陳復

卻金人逐之宗政與祥合左右兩翼掩擊之金人三

面受敵大敗血肉枕藉山谷間尋報棗陽圍急宗政
午發峴首遲明抵棗陽馳突如神金人大駭棗陽守
趙觀敗金人于城外再興宗政至與觀夾擊又敗之
棗陽圍解趙方申飭諸將當遏之境外不可使入而
拒之城下五月麥熟方遣兵護民刈之清野以俟方
請下詔伐金遂傳檄招諭中原官吏軍民六月詔厲
將士募京西忠義人進討戰議既定金將完顏審不
入境兵號十萬犯棗陽者宗政敗之于尙家川

續通鑑參

宋史甯宗
紀趙方傳

燾案宋史趙方傳載有金樊快明謀歸宋追兵至
襄陽方遣孟宗政扈再興以百騎邀之殺千餘人

金人遁去云云府志引作是年事觀方傳此下有
謀知金人決意犯境乃下防夏之令語則此事當
在十年夏以前明甚然其事雖末由定其年月要
不可沒故存其事而增辨於此又趙觀潘景伯等
戰事府志皆列之十二年亦不甚合今據趙方傳
詳審而分著於此金史宣宗紀是年五月有敗宋
人于泥河灣又敗之樊城兩事續通鑑不取今亦
不錄烏庫哩趙方傳作烏古論賽不金史作薩布
續鑑亦與金史同

十一年春二月金人圍東陽游騎至漢上均州守臣
應謙之棄城走三月金額爾克犯光化軍時孟宗政

權棗陽軍初視事愛僕犯令立斬之軍民股栗于是
築堤積水修治城堞簡閱軍士完顏薩布擁步騎圍
城宗政與扈再興合兵角敵歷三月大小七十餘戰
宗政身先士卒金人戰輒敗忿甚周城開濠列兵濠
外以絢鈴吠犬自警宗政募壯士乘間突擊金人不
能支盛兵薄城宗政隨方力拒隨州守許國援師至
白水鼓聲相聞宗政率諸將出戰金人奔潰光化守
潘景伯亦設伏敗金人于趙家橋

續通鑑參宋史甯
宗紀趙方傳金史

宣宗
紀

十二年春正月金人攻光化軍進逼均州二月金完
顏額爾克復大舉圍棗陽塹其外繞以土城趙方遣

扈再興等引兵三萬餘分道出攻唐鄧命其子范監
軍葵爲殿秋七月額爾克擁步騎傳棗陽城孟宗政
囊糠盛沙以覆樓棚列甕澮水以防火募礮手擊之
一礮輒殺數人金人選精騎二千號弩子手擁雲梯
天橋先登又募銀礦石工晝夜陷城運茅葦直抵圍
樓下欲焚樓宗政先毀樓掘深坑防地道劒戰棚防
城損穿甯才透卽施毒烟烈火鼓鞀以薰之金人窒
以溼氈析路以剗土城頽樓陷宗政撤樓益薪架火
山以絕其路列勇士以長鎗勁弩備其衝距樓陷所
數丈築偃月城袤百餘丈翼傳正城金摘强兵披厚
鎧氈衫鐵面具而前又溼氈濡革蒙火山覆以冰雪